



STATEN di ARUBA  
Fraccion di Movimiento Electoral di Pueblo

STATEN VAN ARUBA
Ingek. 11 APR 2012
Volgnr. <b>IS/680/11-12</b>

Na Presidente di Parlamento  
Sr. P. Croes  
Presente

Aruba, 10 april 2012

**Topico: pregunta pa Minister di Infrastructura y Medio Ambiente**

Respetable Presidente,

Pa medio di e carta aki suscrito, a base di articulo III.7 di nos Constitucion y articulo 59 di Reglamento di Ordo di Parlamento di Aruba, ta haci un peticion na bo persona pa entrega e carta adhunto na Minister di Infrastructura y Medio Ambiente.

Atentamente,

Mr. E. C. Wever-Croes

## PREGUNTANAN PA MINISTER DI INFRASTRUCTURA Y MEDIO AMBIENTE

Recientemente a sali publica den e corant Amigoe, cu na un dump ilegal na Tamarijn e compañia 'Atco' a deposita sushi contamina, procedente di un candela. Esaki a causa masha hopi molester cerca esnan cu ta biba na Tamarijn y vecindario. Segun e corant no ta sigur si pasonan penal lo wordo tuma contra e compañia aki, mientras cu tin tur prueba di violacion di nos leyman. Esaki sigur ta algo inaceptable, pasobra asina nos mes ta permiti pa viola nos leyman, y sin sancion no ta pone un paro na contaminacion di nos medio ambiente.


Recientemente nos fraccion a wordo informa di otro dump ilegal na Jaburibari, pa medio di un video cu Aruba Birdlife Conservation a manda, y cu por wordo mira riba e link aki: <http://www.youtube.com/watch?v=rrVIUfZmCKE>  
Den e video ta muestra claramente con nos medio ambiente ta wordo contamina, y cuanto peliger esaki ta ocasionando caba, sin cu nos ta haciendo algo pa stop e.

En bista di esaki, mi tin e siguiente preguntanan pa Minister di Infraestructura y Medio Ambiente:

1. Minister ta na altura di e violacion di ley di parti di Atco, manera a wordo raporta den e corant Amigoe di Aruba?
2. Minister por splica Parlamento dicon no a tuma accion contra e compania aki?
3. Minister ta na altura di e video cu ta circulando tocante e dump ilegal na Jaburibari?
4. Minister por informa Parlamento cuanto dump ilegal tin? Por confirma locual ta menciona den e video cu tin 40 dump ilegal?
5. Minister por informa Parlamento dicon no a actua contra e situacion peligroso aki ainda?
6. Minister por informa Parlamento kiko ta e plan di gobierno pa caba cu e situacion aki di dump ilegal?
7. Y si en caso gobierno no tin un plan ainda, Minister por duna Parlamento un plan con pa sera tur e dumpnan ilegal dentro di un luna, y despues di esey, dentro di 6 luna, limpia tur e lugarnan ey.

Mi ta aprecia si Minister por contesta e preguntanan aki por escrito mas pronto cu ta posible.

Atentamente,



Mr. E. C. Weyer-Croes